



ACoRD

Alliance for Common
Rural Development

Prilog 1. Ugovora o autorskom djelu broj 2014/AcoRD/xx

OPIS ZADATKA ZA UGOVARANJE USLUGA U SKLOPU PROCEDURE PREGOVARANJA

UVOD

ACED Banja Luka sa partnerima: LAG Una-Sana, REDAH Mostar, Nešto više Sarajevo, ELARD, u sklopu Civil Society Facility programme 2012, primili su grant sredstva Europske Komisije za implementaciju projekta "Savez za zajednički ruralni razvoj u BiH – ACoRD".

Specifični ciljevi ovog projekta su:

- 1. Izgraditi strateško i snažno partnerstvo između ključnih aktera u ruralnom razvoju u BiH;*
- 2. Ojačati kapacitete NVO-a, članova Mreže za ruralni razvoj BiH;*
- 3. Povećati učešće članova Mreže u izgradnji i promociji mehanizama za unapređenje civilnog učešća, reformskih procesa javnog sektora i harmonizaciju politika u skladu sa relevantnim politikama EU u podržju ruralnog razvoja.*

U okviru projekta Savez za zajednički ruralni razvoj – ACoRD projektni tim organizuje set treninga pod nazivom „Program obuke za ruralne animatore“.

1. OPIS ZADATKA

1.1. Korisnik(ici)

Training je namjenjen NVO profesionalcima koji su uključeni u sektor poljoprivrede i ruralnog razvoja, zaštite životne sredine i pitanja ekonomskog razvoja.

1.2. Ciljevi

Cilj programa obuke je jačanje kapaciteta organizacija koje su članice mreže, ali i drugih NVO koje su aktivne u sektoru ruralnog razvoja. Fokus ovog programa obuke je razvijanje kompetencija „ruralnih animatora“ koji kao predstavnici NVO u svakodnevnom radu zagovaraju razvoj ili pružaju usluge koje su usmjerene na razvoj ruralnih zajednica.

1.3. Tražene usluge

Program obuke za ruralne animatore je koncipiran kroz dvije komponente i ukupno 6 jednodnevnih modula.

Komponenta 1 (4 modula):

Modul 1: Ruralni razvoj

Ovaj uvodni modul obuhvatiće osnove koncepta ruralnog razvoja obrađujući teme: definisanje ruralnog prostora, ruralnih područja i ruralnog preduzetništva; identifikovanje ključnih institucija i njihovih programa namjenjenih za ruralni razvoj; višedimenzionalni aspekti ruralnog razvoja. Modul će obraditi i teme vezane za uvođenje LEADER pristupa i pružanje primjera i lekcija naučenih kroz iskustva zemalja iz EU, te analizirati dosadašnja iskustva o formiranju i radu lokalnih akcionih grupa.

Modul 2: Ruralna ekonomija

Modul ruralna ekonomija obrađuje osnovni koncepta ruralnog ekonomskog razvoja kroz analizu nacionalnih politika i strategija koje su relevantne za ruralni ekonomski razvoj. Osim toga govori o





ACoRD

Alliance for Common
Rural Development

značaju ruralne diverzifikacije, upravljanju prirodnim resursima, konceptu poduzetništva, te važnosti poslovnog plana i procesu poslovnog razvoja.

Modul 3: Ruralna sociologija

Modul ruralna sociologija obrađuje koncept savjetodavnog rada uz shvatanje egzistencije ruralnog stanovništva, društvenih grupa u ruralnim područjima i njihovim potrebama. Ovaj modul obuhvata i metode rada na identifikovanju i aktiviranju marginalizovanih grupa te korištenju postojećih resursa u ruralnim područjima.

Modul 4: Ruralna ekologija

Modul obrađuje osnovne koncepte ekologije iz ugla ruralnih područja uključujući: koncept multifunkcionalnog korištenja zemljišta i upravljanje zemljištem; koncept interakcije/odnosa poljoprivredne proizvodnje i biološke raznovrsnosti i procjena njegovog uticaja na okolinu, te regulacioni zakonski okvir.

Komponenta 2 (2 modula):

Modul 1. Lobiranje i zagovaranje

Kroz ovaj modul učesnici će razumjeti osnovne principe lobiranja i zagovaranja, te naučiti kako bolje lobirati za svoje članove, ali i kako se zalagati pred javnim tijelima za prava ruralnog stanovništva.

Modul 2: Javne politike i javne kampanje

Ova obuka ima za cilj uvesti ruralne animatore u istraživanje javne politike i ukazati na značaj učešća civilnog društva u ovom istraživanju. Kroz modul će se obraditi: osnovni principi istraživanja i analize javnih politika i uloga civilnog društva u tom području; definicija javne kampanje i relevantni podaci (poruke) za javne kampanje; osnovni elementi javne kampanje; taktike; alati za podizanje svijesti o problemima u zajednici.

1.4. Očekivani rezultati

Znanja koja će „ruralni animatori“ biti u prilici steći pohađanjem ovog programa obuke su sledeća:

- razumjeti osnovne teorije i izazove u sektoru ruralnog razvoja na zapadnom Balkanu;
- razumjeti istoriju, genezu i stvarne aktore politike ruralnog razvoja u zemljama zapadnog Balkana i Evropske unije;
- pružati svjetodavne usluge LAG-ovima i drugim organizacijama kako mogu doći do sredstava iz programa namjenjenih za implementaciju LEADER pristupa;
- pružati podršku mobilizaciji lokalne zajednice u cilju pokretanja inicijativa za lokalni razvoj;
- koristiti participativne metode i alate za mobilizaciju lokalne zajednice.

2. PROFIL STRUČNJAKA - KOMPANIJE

2.1. Obrazovanje i radno iskustvo eksperta

Treneri angažovani na aktivnostima izvođenja treninga treba da imaju potrebno znanje i iskustvo za obavljanje predmetne aktivnosti što dokazuju prezentovanjem dosadašnjih provedenih aktivnosti na istim ili sličnim poslovima - dostaviti CV.

2.2. Radni jezici

Radni jezik je B/H/S.



Asocijacija za ekonomski razvoj
Asocijacija za gospodarski razvitak
Асоцијација за економски развој





ACoRD

Alliance for Common
Rural Development

3. LOKACIJA I TRAJANJE

3.1. Mjesto obavljanja zadatka

Planirano je održavanje 30 jednodnevnih treninga, 6 modula na sledećih 5 lokacija: Banja Luka, Bihać, Sarajevo, Mostar i Brčko.

3.2. Datum početka

Planom implementacije predviđeno je održavanje treninga u periodu septembar-decembar 2014. godine. Nakon selekcije i izbora trenera za svaki od modula biće napravljen zajednički plan implementacije u kojem će biti definisani tačni datumi održavanja treninga na svakoj od lokacija.

4. IZVJEŠTAVANJE

4.1. Sadržaj, jezik, format i broj izvještaja

Izvršilac aktivnosti će poslije održanih treninga napisati finalni izvještaj Naručiocu na B/H/S.

Pisani izvještaj treba da sadrži slijedeće:

- izvještaj o radu,
- evidencija o održanim treninzima (spiskovi prisutnih učesnika na pojedinim trening sesijama potpisani od strane svakog učesnika pojedinačno),
- po jedan primjerak radnog materijala uručenog korisnicima (literatura, brošure),
- fotografije sa održane obuke korisnika snimljene na CD.

4.2. Datum podnošenja izvještaja

Izvještaji iz tačke 4.1. trebaju biti dostavljeni Naručiocu najkasnije 10 dana nakon završetka svakog od treninga.

5. BUDŽET

Nije dozvoljena izmjena prvobitno ponuđene cijene. U cijenu ne može biti uključen PDV, jer je Projekt oslobođen plaćanja PDV-a shodno odredbama člana 29. Stav 2. Zakona o porezu na dodatnu vrijednost.



Asocijacija za ekonomski razvoj
Asocijacija za gospodarski razvitak
Асоцијација за економски развој

